

2423

2721

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-33063-32/19 III MG
Sarajevo, 07.10.2019. godine

SKUPŠTINA KANTONA SARAJEVO
n/r Elmedin Konaković, predsjedavajući
- ovdje -

PREDMET: Odgovor na zastupničko pitanje zastupnika Zvonka Marića

Zastupnik Zvonko Marić na Trinaestoj radnoj sjednici Skupštine Kantona Sarajevo, održanoj dana 25.09.2019.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo, postavio je zastupničko pitanje:

“Budući da se u medijima pojavila informacija o mogućem proširenju RCUO Smiljevići, a za što direktorica KJKP “Rad” nije imala informacije, što je uznemirilo građane koji žive u blizini deponije, molim Ministarstvo komunalne privrede, Ministarstvo prostornog uređenja, građenja i zaštite okoliša i KJKP “Rad” da mi daju tačne i detaljne informacije po ovom pitanju .”

ODGOVOR:

Prostornim planom Kantona Sarajevo za period 2003. do 2023.godina (“Službene novine Kantona Sarajevo” br. 26/06 i 4/11) u Poglavlju 2.15.1. Komunalna higijena (Prikupljanje, uklanjanje, deponovanje i upravljanje otpadom), navedeno je: “Planirana površina obuhvata je proširenje deponije sa sadašnjih 52,5 ha na 94,5 ha sa zaštitnim pojasom, a što bi zadovoljilo potrebe za odlaganjem otpada do 2023. godine.” Članom 116. Odluke o provođenju Prostornog plana Kantona Sarajevo za period 2003. do 2023.godine, definisano je: “Postojeću sanitarnu deponiju proširiti na 94,5 ha. ”.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



U Izmjenama i dopunama Prostornog plana Kantona Sarajevo za period od 2003. do 2023. godine – B faza (“Službene novine Kantona Sarajevo” broj 22/17), u poglavlju 2.15. KOMUNALNI OBJEKTI I POVRŠINE, navedeno je: "U cilju formiranja Regionalnog centra za upravljanje otpadom proširiti sanitarnu deponiju Smiljevići sa sadašnjih 53,4 ha na 94,3 ha sa zaštitnim pojasom i uskladiti postojeće namjene sa funkcionalno-tehnološkim cjelinama koje trebaju sačinjavati RCUO." Članom 74. Odluke o izmjenama i dopunama Odluke o provođenju Prostornog plana Kantona Sarajevo za period 2003. do 2023.godina, član 116. mijenja se i glasi: "Na prostoru sanitarne deponije Smiljevići uspostaviti Regionalni centar za upravljanje otpadom (RCUO) u obuhvatu od 94,3 ha. Izraditi i usvojiti Prostorni plan prostorne cjeline RCUO – Smiljevići, kojim će se definisati precizna dugoročna usmjerenja u pogledu funkcionisanja i upravljanja predmetnim centrom".

Vlada Kantona Sarajevo je na 98. sjednici održanoj 18.10.2017. godine donijela Odluku o vršenju strategijske procjene uticaja na okoliš za Prostorni plan područja posebnog obilježja “Regionalni centar za upravljanje otpadom (RCUO) – Smiljevići” (“Službene novine Kantona Sarajevo“, br. 42/17 od 26.10.2017. godine), dok je na 105. sjednici održanoj 07.12.2017. godine usvojila i Program i plan aktivnosti na izradi Plana.

Skupština Kantona Sarajevo je na sjednici održanoj 05.03.2018. godine donijela Odluku o pristupanju izradi Prostornog plana područja posebnog obilježja “Regionalni centar za upravljanje otpadom (RCUO) - Smiljevići“ (“Službene novine Kantona Sarajevo“, br. 11/18 od 15.03.2018.godine). Članom 2. Odluke definisano je da površina obuhvata iznosi $P = 94,3$ ha. Odlukom o pristupanju izradi definisani su Nosilac pripreme Vlada Kantona Sarajevo i Nosilac izrade Zavod za planiranje razvoja Kantona Sarajevo, te Program i plan aktivnosti na izradi Prostornog plana, kojim je utvrđena i dinamika izrade. Prostornim planom će se utvrditi sadržaji Centra, preispitati usklađenost postojećih sadržaja sa planiranim namjenama i uskladiti namjene sa tehnološkim postupkom. Strategijskom procjenom uticaja na okoliš izvršice se identifikacija i procjena uticaja Plana na okolni prostor, a čiji će rezultati i smjernice biti implementirani u Plan.


MINISTAR
[Redacted]
Damir Filipović, MA prava

Dostaviti:

- Naslovu
- Vlada Kantona Sarajevo
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

